

南平縣誌卷二

諭旨

諭正心之道 雍正七年

諭大學士九卿朕於用人行政是非賞罰總視乎理之至公而未嘗稍存成見大學云心有所忿懣則不得其正有所恐懼則不得其正有所好樂則不得其正有所憂患則不得其正夫心不正則是非可否皆不得其當其弊有不可勝言者矣周子通書云無欲則靜虛動直靜虛則明明則通動直則

南平縣誌

卷之二

聖諭

一

公公則溥可見人之心必靜虛動直而後應事接物可得其平若一有所偏向則靜不能虛動不能直又安望其明通公溥哉夫有所者不過流于一偏而已足爲心之累至於有我則全是自私自利之心縈繞固結於中但知有己而不知有人則其心之不正更甚矣古稱溺愛者不明凡人溺愛他人則於是非可否已不能辨而不免於惑况溺愛己身則但見其是而不見其非但見其可而不見其否沉惑迷謬以至過咎日叢愆尤日積而全不



知醒悟改悔其爲害尚可言哉又如人臣以忠言規諫其君則望君之虛懷採納而人君以正言訓勉其臣亦望臣之寔心聽從若君不用臣言則加以拒諫之名而臣奉君之訓則聽之藐藐清夜自思能安於心乎惟是君之不聽臣言人人皆得而見之而臣之不能洗心易慮以從君之訓則在隱微之間人所難知是在爲臣者之捫心省察而已

論慎刑

雍正八年

上諭尙書舜典云欽哉欽哉惟刑之恤哉朱子曰所

南平縣誌

卷之二

聖諭

二

謂欽恤者欲其詳審曲直令有罪者不得免而無罪者不濫刑也吾弟怡賢親王常言朕云今法司衙門凡有審問事件儘不究其情之虛實動以夾訊夫聽斷之下求之於辭氣耳目以察其情設誠以待之據理以鞫之未有不得其實者何庸夾訊倘有証佐確據情罪顯著而本犯猶狡獪不以實供則不得已而用刑若儘不詳鞫其情而槩用重刑嚴訊三木之下何求不得此重案之未免有冤抑牽累也吾弟之言如此是以八年來凡朕交王

承審數十件繁難大案皆以誠敬用心以情理感
格愚頑簡孚閱實俾各自將罪犯委曲招吐從未
曾夾訊榜楚一人而諸案情罪無不允當吾弟之
存心忠厚如此凡爲法司者皆當奉以爲法也今
外省有司旣不能聽辨五詞無明決折獄之才每
遇重大案件至期限將滿之時慮及處分則連用
重刑該犯欲緩須臾之命凡官吏訊問之語靡不
承認遂據其供招鍛鍊成獄且凡遇命盜案件其
中牽連之人有司亦明知其無辜而欲爲開釋恐

南平縣誌

卷之二

聖諭

三

致上司之翻駁遂有非夾訊不能歸結之論夫欲
保全一已之功名彌縫上司之查駁無論情之虛
實罪之輕重輒用三木以訊每致案未結而有刑
斃之人此其居心尙可問乎從前阿爾松阿爲刑
部時不能剖斷曲直乃各將原被告之一足其一
三木此天良喪盡之人視夾訊爲兒戲其心之殘
忍慘毒甚矣未幾而身爲叛逆不能保其首領善
惡之報豈有藝乎吾翁怡賢親王存心仁恕固不
待言而其本懷總不欲使天下有一冤抑人俾

家受濫刑之議此其忠君愛國之心出於誠懇篤摯是以凡有聽斷歸乎至當能使羣議帖服刑章式叙也今吾弟仙逝之後凡啓靈大祀之日上天必賜以清和景象而羣工黎庶各致其哀慕澗情成一千古以來未有之賢王此

天之報吾弟亦云厚矣吾弟嘉謨入告之事不可勝數偶因戒飭問官輕用三木一節將吾弟數奉之言宣示於衆且布告各省有司令咸以吾弟怡賢親王之聽訟居心奉爲案鞫之規範則明慎用刑庶幾咸中有慶矣着凡掌刑名衙門將此諭刊榜永示於堂署

諭敬謹天戒 雍正八年

上諭前江寧織造府郎中隋赫德具摺奏稱本年六月初一日日食之期江寧地方先期陰雨至午後則天色清明萬目共見日光無虧地方咸以爲瑞特行奏賀等語朕比時卽批諭切責隋赫德此益非爾職掌應奏之事且以識見庸鄙之人而輕言天象尤屬妄誕又見山西巡撫石麟本章奏稱太

南平縣誌

卷之二

聖諭

四

原等處日食之期濃雲密雨未見虧蝕官民紳士均誦希逢等語朕亦降旨切加申飭矣從來天象之災祥由於人事之得失若

上天嘉祐而示以休徵盡欲人之知所罷勉永保令善于勿替也若

上天譴責而示以咎徵蓋欲人之知所恐懼痛加脩省于將來也凡爲人者受

天嘉祐而或驕矜縱肆怠惰前脩則將轉福爲災矣受

南平縣誌

卷之二

聖諭

五

天譴責而能戒慎悚惕省改前愆則將化災爲福矣此天人感應呼吸相通之理朕所日日訓示天下臣民者况

天之錫福降災卽如人君之賞罰也凡爲臣者受賞一次則終身當有感激奮勉之心受罰一次則終身當有儆惕抱愧之意安有遇賞而感遇罰而懼過後卽淡漠置之俟再賞再罰之時而後知感知懼者乎雍正八年六月初一日之日食乃

上天垂象以示儆所當永遠敬畏毋忘兢業之心詎

可以偶爾觀瞻之不顯而遂誇張以稱賀乎山西地方偶值陰雨不可以概天下至隋赫德所稱江南日光不見虧缺朕推求其故蓋日光外向過午之後已是漸次復圓之時所虧止二三分是以不顯虧缺之象昔年遇日食四五分之時日光照耀難以仰視

皇考親率朕同諸兄弟在乾清宮用千里鏡四週用夾紙遮蔽日光然後看出考驗所虧分數此朕身經試驗者若果虧蝕不及分數則係欽天監推算

南平縣誌

卷之二

聖諭

六

之誤又豈可因此而怠忽

天戒稍存縱肆之心乎康熙三十六年二月初一日日食既是時我

皇考降旨日食雖人可預算然自古帝王皆因此而戒懼蓋所以敬天變修人事也若庸主則委諸氣數矣去年水潦地震今又日食意必陰盛所致豈可謂無與人事乎可諭九卿如有人事應脩改者悉行奏聞我

皇考敬

天之心誠切如此是以

上天眷祐今年卽成蕩平噶爾丹之大功邊方寧謐中外歡騰此卽轉災爲福之明徵也又如康熙五十八年正月初一日食

皇考在宮敬謹齋肅

特命朕全諸皇子赴禮部衙門虔誠禮拜是日陰雲微雪未曾顯見

皇考諭廷臣曰京師雖未曾見別省無雲之處必有見者况日值三始人事不可不謹或有缺失之處

南平縣誌

卷之二

聖諭

七

諸臣應商酌確議此皆我

皇考之垂訓子孫臣民者今見外省臣工中有因今年日食不顯而生歡喜之心爲慶賀之奏者甚屬非理大違朕心特諄切宣諭俾中外臣民共知之特諭欽此

諭文武和衷

雍正八年

諭自古爲治之道在於和衷孟子曰天時不如地利地利不如人和蓋天下之事未有不和而能有成者果能和矣則

天地神明尚且感格迅速自覺呼吸可通而况於人乎然能和之道惟在於公公則不至於不和不公則斷不能和此又一定不易之理朕所以日日訓誨天下臣民而望其洗心滌慮信受奉行以共享昇平之福也文武雖屬兩途然同在一省一方之中同辦國家之事則不但有同舟之誼實如手足臂指之同在一身中也數年以來朕畱心體察內外同事臣工頗能遵朕諭旨勉矢和衷之誼惟有廣東一省惡習相沿頽風難挽爾文武各員自思

南平縣誌

卷之二

聖諭

八

膺國家簡命之榮受管轄兵民之寄乃以營私罔利之故相傾相軋效市井無賴小人之所爲而置人心風俗官方戎政於不問爾等不知自愧朕實爲爾等愧之也况督撫藩臬而有袒護文官之心則武弁必有被其屈者矣提督總兵而有袒護武弁之心則文員必有受其枉者矣文員而有袒護百姓之心則必有無辜受累之兵丁矣武弁而有袒護兵丁之心則必有無辜受累之百姓矣不袒護之故由於不公不公之害至使官弁兵民益受其

困爲臣工者尚可溺於故習而不猛醒速改乎朕
今再頒諭旨通行曉諭着該督撫等遵照刊刻於
通省文武大小官弁各給一道俾令朝夕觀覽改
前愆而敦善行倘再有蹈襲故轍罔知悛悔者則
是冥頑不靈自違越於德教之外矣國法具在本
人自無所逃而文武大臣表率無方訓導不力有
忝封疆之任負朕倚任之恩者亦定行嚴加處分
不稍寬貸

諭禁借貸重利

雍正八年

南平縣誌

卷之二

聖諭

九

論民間借貸一事所以通彼此之有無濟一時之緩
急意本善也乃有貪利營私之徒往往乘人匱乏
勒索重利如借貸米穀則不但加三起息竟有加
五或多至加倍者小民偶爾窘迫止顧目前及禾
稼登場終歲辛苦之所獲不能復爲已有雖豐稔
之歲僅足供償債之需一遇歉收之年則束手無
策必至息上起息累年不能楚結且貽累於子孫
而挾貲射利乘急多取者視爲固然全無矜憐憫
惜之意貪饕爲性澆薄成風此亦人心世道之患

也夫緩急亦人所有周禮三物六行孝友睦婣而繼以任恤蓋儕類里黨有急則相倚任有困則相賑恤此鄉鄰風俗之美王化所先而其人以仁厚居心亦所以長享福澤于勿替此卽仰邀天地神明賜祐休徵之根本也從來窮通貧富境遇不常幸而富貴有餘是

天之待我獨厚則當思濟人利物恤災扶困以廣行善事仰答

天恩若以

南平縣誌

卷之二

聖諭

十

天之厚我者持以爲剝削貧人之具不但

上天降臨必加譴責卽返之於心亦忍爲之乎凡屬貪鄙之人利令智昏以爲如此可以致富獨不思貧富有一定之數善惡有不爽之報假令爲富不仁者皆得擁厚貲以長子孫則樂善好施者必致匱乏終身矣自古迄今有此天理乎嘗見不義之財得之若易乃享受未久或耗於意外之災患或敗於不肖之後人是知刻薄之人損人適以自損仁厚之風利人還以自利也此種盤算薄惡之俗

若不曉諭化導遽以官法繩之恐轉阻其借貸之路非所以爲便於窮民故特將天道好還循環往復之道委曲詳明覺悟貪夫薄夫而啓其良心杜其敝俗凡有借貸銀錢米穀者加二加三起息尙屬情理可行若太多則誠爲富不仁矣看地方有司將天理人心時時訓諭所屬之人以化其殘忍刻薄之習倘勸導旣久如下愚頑惡之性不移尙有爲富不仁重利盤放者則訪確一二人加以懲治以儆其餘如此庶惡習可以轉移貪風可以止

南平縣誌

卷之二

聖諭

十一

息也如有無藉棍徒因朕此勸導之訓諭或借端圖賴或生事強借以擾害良善溫飽之家者尤當加以重懲不可寬貸但全賴地方有司奉行勸導之公當勤誠也特諭

欽定訓飭州縣規條諭

雍正八年

上諭牧令爲親民之官一人之賢否關係萬姓之休戚故自古以來慎重其選而朕之廣覽旁求訓勉告誡冀其奏循良之績以惠我烝黎者亦備極苦心矣惟是地方事務皆發端於州縣頭緒紛繁情

僞百出而膺斯任者類皆初登仕籍之人未練習於平時而欲措施於一旦無怪乎徬徨瞻顧心志茫然卽採訪咨詢而告之者未必其盡言無隱此古人所以有學製美錦之歎也向以大學士朱軾左都御史沈近思外任多年周知地方利弊雍正二年曾令二臣商著規則以爲州縣之南車乃書未就緒而沈近思物故邇年以來朱軾復時多病此事遂至遲延去年始降旨委諸總督田文鏡李衛今二臣各抒所見繕錄諸條以進朕親加披覽

南平縣誌

卷之二

聖諭

十一

見其條理詳明言詞剴切民情吏習罔不兼該大綱細目莫不備舉誠新進之津梁庶官之模範也在二臣各就其所閱歷者而言繁簡同異之間不必一致而慎守官方勤恤民隱興利除害易俗移風其大旨則一而已矣爰就本交付之剴劂頒賜州縣官各一帙俾置之几案間朝夕觀覽省察提撕治效未臻必思所以勉之弊端未革必思所以去之本之以實心行之以實力毋始勤而終怠毋靜言而庸違如此則不但國家得司牧之賢草野

有父母之頌而爾等身膺顯擢叨被榮光福貽子孫名標史冊豈不美歟特諭

諭設立壇墀

雍正十年

上諭旨隸各府州縣設立壇墀致祭

社稷及

風雲雷雨山川城隍之神每歲春秋展祀以崇報享典至重也從前初建之時有司視爲具文規制未必周備及歷年既久漸有傾圮之處又未及時修葺是以僻遠之郡縣規模簡畧禮儀草率者往往

南平縣誌

卷之二

聖諭

三

有之甚非肅將禋祀之本意也着禮部查照定例行文各該督撫轉飭府州縣敬謹如式修理以重祀典仍令造冊報部每遇該管官員陞遷事故俱照

先農壇忠孝節義祠例入交盤項內查明接受庶有司自顧考成經理益加虔恪特諭

諭建賢良祠

雍正十年

上諭我朝從前文武大臣持躬正直奉職公忠樹績建勲完名全節者朕已降旨於京師建立賢良祠

永遠展祀以彰令善因思外任大臣鎮撫封疆宣猷布化忠勇效命威愛宜民其政績卓然可紀者身故之後於本地建立賢良祠俾得永膺祀典旣足慰兵民懿好之公亦足爲後來居官者之勸如近日之將軍蔡良提督張起雲總兵蘓大有魏翥國皆素有賢聲勤勞王事而歿於官者允宜在賢良之列着直省各於省會之地建立祠宇其與祀之人若追溯從前恐稽查未確或致濫膺亦未可定不若卽從近年爲始向後若有應請入祠者該

南平縣誌

卷之二

聖諭

古

地方督撫於一人各具一本請旨不必彙奏其一切事宜着九卿妥議具奏特諭

諭正文體

雍正十年

上諭制科以四書文取士所以規士子實學且和其聲以鳴國家之盛也語云言爲心聲文章之道與政治通所關鉅矣韓愈論文云惟陳言之務去柳宗元云文者所以明道不徒務采色夸聲音而以爲能也况四書文號爲經義原以闡明聖賢之義蘊而體裁格律先正具在典型可稽雖風尚日新

華實並茂而理法辭氣指歸則一近科以來文風亦覺丕變但士子逞其才氣詞華不免有冗長浮靡之習是以特頒此旨曉諭考官所拔之文務令雅正清真理法兼備雖尺幅不拘一律而支蔓浮夸之言所當屏去秋闈期近該部可行文傳諭知之特諭

諭建立書院 雍正十一年

上諭各省學校之外地方大吏每有設立書院聚集生徒講誦肄業者朕臨御以來時時以教育人材

南平縣誌

卷之二

聖諭

五

爲念但稔聞書院之設實有裨益者少而浮慕虛名者多是以未曾勅令各省通行蓋欲徐徐有待而後頒降諭旨也近見各省大吏漸知崇尚實政不事沽名邀譽之爲而讀書應舉之人亦頗能屏去浮囂奔競之習則建立書院擇一省文行兼優之士讀書其中使之朝夕講誦整躬勵行有所成就俾遠近士子觀感奮發亦興賢育才之一道也督撫駐劄之所爲省會之地省該督撫商酌舉行各賜帑金一千兩將來士子羣聚讀書須預爲籌

畫資其膏火以垂永久其不足者在於存公銀內
支用封疆大臣等並有化導士子之職各宜殫心
奉行黜浮崇實以儲國家菁莪棧樸之選如此則
書院之設有裨益於士習文風而無流弊乃朕之
所厚望也特諭

諭勉勵理學 雍正十一年

上諭自古聖賢立教性理乃其本源學問經濟如一
轍也必有明理見道之儒斯有致遠經方之用在
家則爲端人正士在國則爲良吏名臣風化所以

南平縣誌

卷之二

聖諭

六

日隆人材所由日盛也逮後世儒術不醇真僞雜
出聰慧者專務吏才文藻以爲功名進身之階而
迂拙之人文才俱無可觀而又不肯自安於庸陋
於是竊道學之虛名妄希稱譽甚且私立異議交
結黨援有玷儒脩深爲國蠹致令當世厭聞道學
之名此皆由伊等務名而不求其實之過也向年
聖祖仁皇帝考試詞臣曾以理學真僞令題作論蓋
深知其弊而指示訓誨冀人人勉爲真理學以爲
學問經濟之本也朕御極以來敦崇儒行首以正

人心端風俗爲務比年來士習民風亦頗知奉法循理少聞蕩檢踰閑惟是學士大夫中究心理學之書以收明體達用之效者尙寥寥無人今年會試之期天下舉子四千七百餘人雲集京師朕特命通曉性理之詞臣問以性理之學而舉子之應召者僅有數人且亦不過涉獵文辭未能深窺義蘊則士子平日之不留心理學可知矣朱子曾有一言曰佛家之教却是要自理會所以他那下常有人自家這下自無人今世儒者能守經者理會講

南平縣誌

卷之二

聖諭

七

解而已看史傳者計較利害而已何人從自家身已做去不理會自身已說甚別人長短明道曰已立後自能了當得天下萬物只是從程先生後不再傳而已衰所以某常說自家這下無人朱子之言如此朕觀古人之論理學必貴乎實心理會實力施行今世之人竟置理學於不講尙望其專心理會舉而措之事爲間哉常見世之貌爲理學者於聖賢體用之學全未研究祇因不能高出於衆但服敝垢衣啖粗糲食排詆釋道之教自命理學

以爲欺世盜名之計及問以吾儒性理義蘊又茫然一無所知理學之真偽卽此可見若但以詆謗釋道卽爲理學如同教西洋教皆理學矣理學何如是之易爲哉夫佛仙之教以脩身見性勸善去惡捨貪除欲忍辱和光爲本若果能融會貫通實爲理學之助彼世之不知仙佛設教之意而復不知理學之本源但強以闢佛老爲理學者皆未見顏色之論也朕願天下之以儒爲業者各求其分之所當盡遜志黽勉以求無忝於先儒用是特頒

南平縣誌

卷之二

聖諭

六

此旨通行訓諭若讀書服官之人果能潛心正學誦法聖賢實踐躬行澄源端本下爲鄉閭之矜式上爲朝廷之羽儀則先儒有薪傳正派之遺徽國家取文章事業之實用朕心嘉悅必加禮重其共相勉勵以副朕之企望着該部行文內外各與省咸使聞知特諭

諭舉博學鴻詞 雍正十一年

上諭國家聲教覃敷人文蔚起加恩科目樂育羣才彬彬乎盛矣朕惟博學鴻詞之科所以待卓越淹

通之士俾之黼黻皇猷潤色鴻業膺著作之任備
顧問之選

聖祖仁皇帝康熙十七年

特詔內外大臣薦舉博學鴻儒召試受職一時名儒
碩彥預其選得人號爲極盛迄今數十年來館閣
詞林儲才雖廣而宏通博雅淹貫古今未嘗廣爲
搜羅以示鼓勵自古文教休明之日必有瑰奇大
雅之才况蒙

聖祖仁皇帝六十餘年壽考作人之盛涵濡教澤薄

南平縣誌

卷之二

聖諭

九

海從風朕延攬維殷闢門籲俊敦崇實學諭旨屢
頒宜有品行端醇文才優贍枕經茹史殫見洽聞
足稱博學鴻詞之選所當特修曠典嘉與旁求除
現任翰詹官員無庸再膺薦舉外其他已仕未仕
之人在京着蒞漢三品以上各舉所知彙送內閣
在外着督撫會同該學政悉心體訪遴選考驗保
題送部轉交內閣務期虛公詳慎搜拔真才朕將
臨軒親試優加錄用廣示興賢之典茂昭稽古之
榮應行事宜着大學士九卿會議具奏特諭

諭褒獎良善 雍正十一年

上諭朕於直省地方偶遇災祲卽爲之寢食不寧蠲租發粟截漕平糶多方撫卹務使貧民無一不得其所又念各該地方雖或取成歛薄豈無葢藏豐裕之家伊等誼篤桑梓休戚相關若各人量力樂輸旣可以展其睦嫻任恤之情亦可以爲恤災扶困之助是以曾經降旨通行勸導然亦聽紳衿士庶自爲之不可相強也近聞直省地方捐資周急好善樂施者頗不乏人此誠鄉鄰風俗之美亦人

南平縣誌

卷之二

聖諭

三

心古處之一驗也此等良善之人應加恩澤以示褒嘉着各該督撫留心體察秉公確訪其捐助多者着具題奏請議叙少者亦着地方大吏給與匾額并登記檔冊免其差徭以昭朕與人同善之至意特諭

諭撥補文廟除荒公費

雍正十一年

上諭國家祀典最宜慎重至於

文廟春秋祭儀宜尤備物盡誠以申敬禮聞外省州縣中有因除荒而裁減祭祀公費者朕思銀數若

少難于措辦或致祭品簡畧或恐派累民間二者均未可定着各省督撫查明所屬若有除荒減費之州縣卽於存公銀內撥補以足原額務令案盛豐潔以展朕肅將禮祀之誠特諭

諭詳慎刑法 雍正十一年

上諭從來明刑所以弼教除暴所以安良何恩何怨何寬何嚴處之無心並非二事但準乎天理賞亦不爲慈能協乎人情殺亦不爲忍朕臨馭萬方日夕乾惕念不能一道同風俾吾民各安生理免於

南平縣誌

卷之二

聖諭

三

刑戮每以自咎所望內外諸大臣務識大體持正秉公抱刑期無刑之心執辟以止辟之法先使民不敢犯令無漏網之奸宄繼則導人不爲漸化嚮風之頑懦如此施設尙待年月雖不敢望刑措或庶幾可移習俗應知刑卽是教怨卽是恩蓋良莠不鋤則嘉禾不植義刑義殺正所以仁育仁懷自古迄今固莫之能易者朕十年以來於一切刑獄莫不虛衷歛息詳慎推研凡情有可原者務從緩減而意非主寬凡法無可貸者便依斬絞而意非

主嚴本無成見惟其自取朕每見諸廷臣僉訓諭督撫大吏亦諄切講求反覆開示諒已悉朕心喻朕旨矣今者秋審大典詳覽直省各冊如雲南絞犯中懷逼索陸起雲銀兩連毆斃命絞犯薩得搜殺遺孤僉將匿孤之阿奇連戮致斃貴州斬犯阿半爭產糾殺致斃三命絞犯喜生與簡尙志爭奪林坎將養媳連毆斃命誣賴打死絞犯王景刀砍族兄復將伊妻砍斃誣賴強姦致死絞犯宇枯踞住宇奈家強佔沙出磨爲妻復持標將阿舖戮死

南平縣誌

卷之二

聖諭

三

四川絞犯朱成林率衆扛搶楊小妹至家強逼成姦且持刀拒捕砍毆楊載坤夫婦多傷斬犯熊二蓄意圖姦致傷人命廣西絞犯權特羅挾雙警將藍鳴鳳殺死廣東斬犯岑達誣枉吳亞土爲盜主使毆斃復又栽贓誣陷絞犯黃文翔窩盜分贓反捉人拷打勒贖僉毀人墳擅封民舖福建斬犯張苞行竊拒捕傷斃事主斬犯李三放火焚藪將周維楊燒死絞犯鍾廣周調戲蔡氏連戮鍾廷堅斃命絞犯翁德誣賴楊來拒捕毒打致斃又勒索羣禮

逼楊來之父楊高將女孫賣銀收受絞犯蕭宜念
誣指蔡伯成爲賊復主令捆打斃命湖北絞犯杜
錫三將張文習勒死圖賴復將伊妻劉氏毒死湖
南絞犯陳儒勝致死朱佐坤復剝取衣物棄屍水
中絞犯嚴惠之商賈趙任康妻子將趙任康推落
水中殞命陝西絞犯劉世銀勒死伊妻背往劉世
顯家希圖抵賴斬犯扎的身爲畚目聚衆殺死畚
民六命江西絞犯張遜騫挾嫌誣指王子才爲賊
致斃二命絞犯賴半斤面將蕭矮攷強行鷄姦不

南平縣誌

卷之二

聖諭

三

從刀砍斃命絞犯陳正典因圖親媼胡氏產業將
胡氏拴縛強嫁胡氏誓不成婚投繯殞命浙江絞
犯詹玉書懷忿主使毆斃何品成江南斬犯慧明
與王氏通姦懷妬毆斃東岩絞犯費叙戮死姪女
主使費賢誣控張品斬犯李國輔假冒職官詐傳
旨意斬犯黃望有心致死黃永壽持棍連擊斃命
絞犯張珍將陳大誣拷索詐致逼縊死絞犯馬成
捏贓誣良致斃張二河南斬犯李三行竊拒捕復
行越獄山東絞犯董超將梁韶非刑綁吊以致斃

命絞犯周宗璜捏指族嫂趙氏有姦繩縛攢毆殞命絞犯王在因張王氏責伊妹姦情遂將張王氏連毆斃命絞犯公英因圖姦張氏不從立時致死斬犯馬四超勒斃禁卒越獄潛逃山西絞犯王順將幼女石二姐兒拉抱回家持刀恐嚇強姦以上諸犯皆窮兇極惡殘毒奸淫法無可貸情無可原而各該督撫槩擬緩決並無勘語且有上次定擬情寔而今年又自改緩決者有監候年久之犯而每年秋審忽擬情實忽擬緩決者有本定緩決因

南平縣誌

卷之二

聖諭

一

部改情寔卽照擬情實本定情實因部改緩決卽照擬緩決者業經九卿法司覆加詳核逐一改定試問該督撫等讞獄錄囚何等重大事豈竟漫不經心耶抑竟毫無定見耶或又以爲殺一犯不如活一犯現殺一犯不如遲殺一犯以此爲養德以此爲造福則尤鄙蔽之甚者也夫封疆大任爲民大父母利濟安全寔有攸賴一夫失所當引爲已愆一政未平當引爲已恥水旱災祲以及盜竊癡頑皆當引爲已責而無可諉卸朕寔存此心執此

行以望諸臣工匡佐承宣俾德意廣敷萬姓蒙福
至于殺人者死國有常刑倘殺人者不死則冤死
者何伸况不殺殺人者將殺人者益衆誰使殺之
已且爲罪首縱不思明罰勅法憲典無私卽據報
應之誠言循環之天理亦寧不大可畏乎朕常謂
䟽縱之過甚於苛刻姑息之言等於殘忍但本公
誠之至意達仁義之通權此理大同日久自見拘
迂淺隘者特未之省耳茲特就刑法一事明白剖
示內外諸大臣見朕此旨若以爲欲嚴是負朕恩
之毋忽特諭

南平縣誌

卷之二

聖諭

三

諭生童罷考

雍正十二年

上諭各省生童徃往有因與地方有司爭競齟齬而
相率罷考者或經教官勸諭或同城武弁排解然
後寢息其事此風最爲惡劣士爲四民之首讀書
明理尤當祇遵法度恪守憲章化氣質之偏祛凌
囂之習况國家之設考試也原以優待士子與以

上進之階論秀書升遭逢令典凡爾生童不知感戴國恩鼓舞奮勉而乃以私心之忿借罷考爲脅制官長之具何市井無賴至於此乎蓋因庸懦之督撫學臣希圖省事草草完結不加嚴懲以致相習成風士氣一驕士品日流於下關係非淺各省生童等如果該地方官不公不法凌辱士子等情生童等自應赴該地方上司衙門控告秉公剖斷嗣後倘有不行控告而邀約罷考者卽將罷考之人停其考試若合邑合學俱罷考亦卽全停考試

南平縣誌

卷之二

聖諭

三

天下人材衆多何須此浮薄乖張之輩是乃伊等自甘暴棄外於教育生成卽擯棄亦何足憫惜如此定例庶亦整飭士習之一端着該部妥議通行特諭

諭敦尙實政以培善類

雍正十三年

上諭朕每見天下督撫有司等於人命盜案查審定擬時往往曲爲開脫以行其婦寺之仁云謂寬宥一人可以種陰德於冥冥之中不知君與臣皆任教養斯民之責平時不能殫教養之道使之不陷

于重辟雖在吾君臣有不得辭之過然尚伊等干犯法紀自取其罪國家設立科條原以禁暴鋤奸使人人共守者豈可枉法以示恩俾受害者含冤飲恨而不得伸效尤者玩法逞兇而不知儆斯乃不得已而然其過尙有情可恕至於水旱災荒天時有不齊之數鰥寡孤獨人生有所遇之窮如寧填溝壑而不肯爲匪者率皆良民似此無辜之赤子不幸而遭值困阨朕以牧養斯民之任寄之天下督撫有司而不能保護撫綏登之衽席翻乃視而視其死者

天高聽卑必加重譴而顧欲於命盜案中曲活一二有罪之人以冀倖邀福報何識見顛倒至此乎朕望天下督撫董率有司屏棄虛文敦尙實政平時則勸農教稼闢地懇荒崇儉黜奢儲糧積粟以立其根本偶遇旱潦必深誠爲憂卽據寔奏聞殫心區畫俾澤中鴻鴈共慶樂郊有此濟人利物之功方不負父母斯民之職卽以福報而論較之曲活

南平縣誌

卷之二

聖諭

三

一二罪人者其相去奚啻霄壤耶至於樂善好施
史稱義舉扶危濟困人有同心周禮以六行教萬
民孝友睦婣而繼以任恤可見任恤之道與孝友
並重也鄰里鄉黨之間原有休戚相關之誼以已
之有餘濟人之不足在我本爲不多之費而在人
已爲當厄之施况民有秉彜自有觀感興起衆擎
易舉利益孔多從來天道好還無有施而不報者
此等之人

上天自賜福祐必及其子孫所謂積善之家必有餘

南平縣誌

卷之二

聖諭

三

慶也一人行善則慶在一家衆人行善則慶在衆
姓果然風俗淳良號稱仁里則和氣致祥天道之
感應捷於影響凡水旱災祲之戾氣悉變爲五風
十雨之休徵矣然興仁樂善者乃鄉鄰長厚之風
而鼓舞旌揚者則大吏有司之責如所屬內有紳
衿士庶惠愛鄉閭力行善事或齋施梵僧羽士存
心救濟孤寒廣種福田者該督撫等當優禮褒嘉
加意培植以表揚之有應題請者卽行題請朕必
降旨議叙俾身膺爵秩名譽流芳勉之勉之着直

省督撫將朕此旨刊刻頒布務使遠鄉僻壤人人知悉特諭

諭務本勤民以收實效 雍正十三年

上諭從來帝王撫育區夏之道惟在教養兩端蓋天生民而立之君原以代天地左右斯民廣其懷保人君一身寔億兆羣生所托命也書稱正德利用厚生惟和又云惟土物愛厥心臧蓋恒產恒心相爲維繫倉廩寔而知禮義理所固然則夫教民之道必先之以養民惟期順天因地養欲給求俾黎民飽食暖衣太平有象民心自順民生優裕民質自馴返樸還淳之俗可致庠序孝弟之教可興禮義廉恥之行可敦也我朝

列聖敬

天勤民垂統萬世

皇祖聖祖仁皇帝六十餘年久道化成重熙累洽所以惠養元元禮陶樂淑者至周至備惟是國家承平日久生齒日繁在京八旗及各省人民滋生蕃衍而地不加廣此民用所以難克民產所以難濟

南平縣誌

卷之二

聖諭

三

也我

皇考宵旰孜孜勤求治理惟恐一夫不獲其所重農
貴粟之教屢頒撫循蠲賑之惠頻下南北之營田
水利無不興修內外之開墾種植無不綜理凡此
寔政實心一以誠敬貫徹始終十三年有如一日
皆朕所親承目覩拳拳服膺者也朕生長深宮瞻
依

皇考慈顏惟知承歡膝下懋學書齋卽如日用飲食
之需悉由

南平縣誌

卷之二

聖諭

三

恩賜豐贍饒裕不煩問所從來此固

皇考昊天罔極之恩難以明言而爲君之難亦惟身
履其地者然後知聖人之言爲至當也今朕繼承
大統身爲人主衣租食稅則自今伊始一絲一粟
皆四海小民所經營供御者矣朕思飲饌被服皆
出海內脂膏宮室器用皆取自閭閻拮据尙安忍
稍有糜費侈用之心以傷民力而耗民財乎又安
忍已垂裳而聽天下之民有寒不得衣已玉食而
聽天下之民有饑不得食者乎禹思天下有溺者

由已溺之稷思天下有饑者由已饑之自古聖君
賢臣自任之重者皆動於至誠迫於至理有萬不
容已者也朕日夜兢兢時厯本固邦寧之至慮以
皇考之實心爲心以

皇考之實政爲政凡供膳品味之類無所加增衣服
器用之屬無所濫費宮室苑囿之區無所改營爰
賴中外諸臣共體朕心以成朕志於民生日用所
由阜成民生樂利所由豐豫之處在在求其實濟
事事謀其久遠勿以虛文而澤不下逮勿以小利
而計不圖全勿作無益以害有益勿廢民生以厚
已生果能恒產有資將見恒心自啓我

南平縣誌

卷之二

聖諭

三

皇考聖訓所謂三代之治必可復堯舜之道必可行
者庶能繼述萬一此朕中心乾惕之心並非因卽
位之初爲此邀譽近名之語以博天下臣民之感
頌朕心務收寔效豈肯徒托空言但天下至大兆
民至衆非朕一人所能獨理內而閣部八旗大臣
外而督撫藩臬有司均受國家深恩有惠養斯民
之責者當共思黽勉崇儉戒奢視國事如家事以

民身爲己身痼瘵一體休戚相關各殫誠心期登
斯民於衽席則賞功酬庸之典朕必從優舉行若
苟且因循視同膜外律以溺職更復何辭勉之勉
之

諭寬嚴相濟以防流弊

雍正十三年

上諭治天下之道貴得其中故寬則糾之以猛猛則
濟之以寬而記稱一張一弛爲文武之道凡以求
協乎中非可以矯枉過正也

皇祖仁皇帝深仁厚澤垂六十年休養生息民物恬

南平縣誌

卷之二

聖諭

三

熙循是以往恐有過寬之弊我

皇考紹承大統振動紀綱俾吏治澄清庶事釐正人
知畏法遠罪不敢萌徼倖之心此

皇考之因時更化所以導之於至中而整肅官方無
非惠愛斯民之至意也

皇考嘗以朕爲賦性寬緩屢教之朕仰承

聖訓深用警惕茲當御極之初時時以

皇考之心爲心卽以

皇考之政爲政惟思剛柔相濟不競不綏以臻平康

正直之治夫整飭之與嚴厲寬大之與廢弛相似而實不同朕之所謂寬者如兵丁之宜存恤百姓之宜惠保而非謂罪惡之可以悉赦刑罰之可以姑縱與庶政之可以怠荒而弗理也朕觀近日王大臣等所辦事務頗有遲延疎縱之處想以朕寬大居心諸臣辦理可以無事於整飭耶此則不諒朕心而與朕用寬之意相左矣夫經世理物貴乎君臣惟日孜孜交勉不逮朕主於寬而諸王大臣嚴明振作以輔朕之寬夫然後政和事理俾朕可

南平縣誌

卷之二

聖諭

三

以常用其寬而收寬之效此則諸臣贊助之功也倘不能如是恐相習日久必至人心玩愒事務廢弛激朕有不得不嚴之勢此不惟臣工之不幸抑亦天下之不幸更卽朕之不幸矣朕與王大臣同辦國家政事實爲一體爰開誠布公將計慮所及特行曉諭期於共相勉勗以防將來之流弊

諭學政文體

乾隆二十五年

上諭前因磨勘順天等省鄉試卷見其中字句紕繆者不一而足甚至不成文義如飲君心於江海之

語於士習文風深有關係已降旨宣諭中外俾衡
文作文者知所儆惕第念別裁僞體以端風化固
在考官甄拔公明而平時之造就漸摩使士子皆
知崇實黜浮不墮揣摩擣捨惡習則學政責任尤
重鄉會兩試乃士子進身階梯而學臣於三年之
前歲科考試評隲甲乙者此日之生童即可爲他
日之舉人進士所云正本清源舍是無由也爲學
政者果能以清真雅正爲宗一切好尚竒詭之徒
無從倖售文章自歸醇正否則平日素尚趨向紛

南平縣誌

卷之二

聖諭

三

岐一當大比爲試官者鎖闈校拔不過就文論文
何從激勸而懲創之且學政按臨謁廟講書原與
士子相見非考官易書糊名暗中摸索者比文字
一道人品心術卽於此見端自應隨時訓勵整頓
去佻巧僻澀之澆風將能爲清真雅正之文而其
人亦可望爲醇茂端謹之士由此賢書釋褐足脩
國家任使期士子無負科名而學臣亦不負文衡
之任但不得因有是旨徒以字句疵累易爲摩勘
指摘遂專取貌似先正之文於傳註無所發明至

相率而歸於空疎淺陋此又所謂矯枉過正揀弊適以滋弊不獨輿論難誣一經朕鑒察亦惟於該學政是問今歲正學政受代之始諸臣皆朕特簡各宜勉副興賢育才至意着將此旨錄於學政公署併各府州縣學明倫堂用資觸目儆心而凡我多士亦皆得審所就範朕實有厚望焉欽此

御製明慎用刑說

嘉慶十三年

道德齊禮聖王垂教之本意也齊之以刑聖王不得已之苦心也代天子民者君也爲人君止於仁

南平縣誌

卷之二

聖諭

三

之義蓋言一切用人行政除暴去殘皆仁心所流露也君爲衆父億兆皆吾赤子豈不欲其生而必欲置之絕地哉誠以良莠不同干名背義作奸犯科之徒非刑不能齊之耳而用刑之大旨不外乎明慎明慎者知其事之原委察其情之真偽兩造旣脩虛衷聽斷如日之光不遺幽暗犯法者甘心認罪受害着了無嗔怨此明之功效也慎者胞與爲懷豈可任其殘賊哀矜勿喜一死不能復生一字無虛始可定案片言不實勿厭重推總欲吾心

毫無疑竇則情真法協如衡之平焉有輕重倒置
此慎之功效也我朝立法至爲詳備凡一罪囚必
經數次覆勘始定爰書在官者皆得預議至於情
實重犯尙候勾到有一綫可寬者改入可緩視前
代設鎮撫司習用非刑草菅人命者真天淵之隔
矣人心日沉日下犯法者多案牘紛繁詐僞百出
問刑有司憚於聽訟漸至潦草隨意不能虛衷延
納反覆推求遂令奸詭者漏網懦弱者罹罪健訟
者逞刁覆盆者難雪皆不能明慎之所致也朝審

南平縣誌

卷之二

聖諭

三

爲恤刑大典誠兼聽僉觀盡善盡美之良法在京
則大學士九卿科道在直省則督撫藩臬司道公
同會議雖古之明目達聰何以踰此哉奈奉行已
久視爲泛常旅進旅退無聲無臭覩顏謂毫無冤
抑罪當情真問有一二敢言之臣以從緩改實加
重辨理爲認真益增秋肅之氣反失春生之旨所
謂北轅適越相去益遠矣夫明生於公公則無私
無私始能明慎由於勤勤則不怠不怠斯能慎嗚
呼凡百有位皆以明慎爲用公勤爲體庶幾辟以

止辟以馴至於刑期無刑鼓太和之元氣臻斯世
於大同遇可言之時行有爲之績予一人實有厚
望焉

南平縣誌

卷之二

聖諭

三七

